

Авсн даалгъвр күүцэгдв

Яшалтинск района куч-көлсчнр социалистическ дөрлдэнд авсн даалгъвран күүцэгдэ, болзгаснь урд, орн-нутгтан 2 сай 500 миньгын пуд айта сэн цагъан буудя орулдж өгв. Эн ик диилвр парты болн правительств суулин цагт селәнә эдл-ахун делгрлтд йилгүү ик оньган тәвдждөнъ-нөкд күүрснә ашд күүцв.

Ик ургъциг геедрлт угагъар хурдар хурадж авад, госсударствд буудя хулдлгъна зураг болзгаснь урд күүцәхин тәлә района партийн организац дәәч кевәр куч-көлсчнрин чидл-кучинь бурдәдж ноолда делгрүлв. Тәрә хуралгъна өдрмүдт хур даран-дарандан орад ик түрвр гаргъв. Болв хадлгън цоклгън хойриг онц-онцднь келгънд урдаснь килмджд тәвгдснә учрар харгъсн тоот түрү эвгә кевәр уга кегдджд йовб.

Эн джил района колхозмуд болн совхозмуд буудя хуралгънд хадлгън цоклгън хойраг онц-онцднь өргәр кев. Эн прогрессивн эв-аргъар 17 миньгын гектар тәрәнә ургъц хадгдв. Ингджд ургъц хурасна ашднь гектар болгънас 3-4 центнер буудя немүр авгдв.

Буудя халлгъиг ахр болзгин дотр дуусхин тәлә өргн социалистическ дөрлдән делгрдж, олн колхозникуд, механизатормуд шунмгъагъар орлцсн ик атата маргъата ноолдан болв. Чидлән нөлго кәдлдж ик үзмдждә диилвр күүцсн олн улсин нер зааджд болхмн. Өдр-сө гилго кәдләд, лафетн жаткар 50—60 гектар күүргджд В Лунин, Ф. Карпенко, Майер эдн хаджд йовб. Эдниг дахджд машинистр В. Сучан, И. Чувилкин, И. Яковенко эдн 35—45 гектар хаджд йовб. Комбайнермуд Я. Клинг, Н. Федяков ахр болзгин дотр 300—400 гектар хадад, гектар болгънас 110—115 пуд буудя цокджд авб.

Районд буудя зөблгънд 200 гар машинд кәдлв. Шофермуд И. Браун, Е. Пашина, И. Киппель, нань чигн, өдртән комбайнас токур 50—60 тонн буудя зөбджд йовб.

Района партийн комитет, эклц партийн организацсин аргъта чидлинь ургъц хуралгъна болн буудя белдлгънә кәдлмшт тәвб. Коммунистр-механизатормуд юмна түрүнд лафетн жаткст сууджд кәдлцхәгдәд, улгүр үзүлцхәв. Цуг комбайна агрегатст болн производственн бригадст партийн багмуд гарсн ик сән партийн-политическ болн бурдәмджин кәдлмш кецхәв. Дакад болхла, района партийн комитетәс парторганизатормуд болджд 30 күн йовулгдв.

Колхозмудин болн совхозмудин кеерин хошмудт, агрегатст, бригадст эрсин газетс, боевые листки, „цәкклгън“ гаргъгдджд, газет умшджд өглгън, күүндвр келгън делгүү болджд йовб. Энүнә ашднь дөрлдәнд цуг колхозникуд болн механизатормуд шунмгъагъар орлцхәв.

Района куч-көлсчнр ургъц хуралгъна кәдлмшин түрүн девснъгинь диилвртә кевәр дуусв. Болв ода чигн күүцәх кәдлмш дала ик. Эн учрар нег өдр чигн күүчлгъән сулдхад оркх зөв уга бидн. Улм гүүдждржд кәдләд, эн джилин ик ургъциг цугтагъинь геедрлт угагъар хурадж авх—мана нег ик ах төр болджана.

Мана районд эрдни-шишән ик ургъц гаргъджд авгдв. 13 миньгын гектарт эн ик унтә культур тәргдсмн. Ода энүг хаджд авад, 100—120 миньгын тонн силос булх—ик керг күүцәлгън колхозмудт болн совхозмудт эклчкв. Эч кәдлмшт эрдни-шишә хадлг цуг комбайнс, кергтә то автомашид тәвгдв. Районд өвс хуралгъна, нәмрин тәрә тәрлгънә, мал увлзүллгънд белдлгънә кәдлмш делгүү кегдджд йовна.

Района куч-көлсчнр Хальмг тангъгъчиг автономн республикд хуврәснд ик ханлтан өргджд, шунмгъагъар улм өбдлүлдж, шин ик диилвр күүцхин тәлә ноолдджана.

В. БЛОХИН,

КПСС-н Яшалтинск райкомин кәдләч.